



basic education

Department:
Basic Education
REPUBLIC OF SOUTH AFRICA

Teko ya motheo (baseline) ya gare ga ngwaga

Sepedi Leleme la Gae Mphato wa R - 3

Na se se hlolwa ke eng

1. Ka Mošupologo bošego ka di 23 tša Matšhe, Moporesidente wa naga o ile a fa pego ya gore naga e tla tswalelwa ka baka la modulagae (lockdown) go tloga bošegogare bja Labone ka di 26 tša Matšhe go fihla ka labone la di 16 tša Aporele. Se se ile sa oketšwa ka ge leuba/bolwetši bo be bo goletše pele.
2. Dikolo di tswaletšwe ka di 18 tša Matšhe go fihla ka June go mephato ye mengwe. Se se dirile gore Kgoro ya Thuto ya Motheo e tle ka maano a go thekga barutiši, barutwana le batswadi ka kabo ya kharikhulamo.
3. Maemo ao naga e bego go ona a COVID -19 a re bea seemong sa moswananoši, sa go hloka baetapele ba mahlagahlaga ba ponelopele le go tšea diphetho tša maleba.
4. Maemo ao naga e bego go ona a COVID 19 a gapeletša gore go šomišwe mekgwanakgwana ye mengwe go kgonthišiša gore go ruta le go ithuta go tšwela pele.
5. Bjale ka ge re le barutiši ba makgonthe re swanetše go swarana, ra thušana go kgonthišiša gore go ruta, go ithuta le go lekola barutwana go tšwela pele ka bothakga le botswerere go leka go fokotša ditlamorago tša go se tsefe tseo di hlotšwego ke leuba le.
6. Go fihla mo, barutiši ba eletšwa gore barutwana ba Mphato wa R – 3 ge ba boela dikolong, ba lekolwe ka go šomiša Teko ye ya Motheo ya gare ga ngwaga. Maikemišetšo ke go bona gore na barutwana ba maemong afe ge re lekola mabokgoni ao a tšwelelago ka gare ga kharikhulamo (CAPS)
7. Teko ye ya Motheo ya gare ga ngwaga e hlamilwe go fa barutiši tlhahlo le thekgo gore ba kgone go lekola barutwana le go bona gore na barutwana ba mokae ge re lebeletše mabokgoni a motheo a Leleme la Gae.

Ditaelo tša go lekola ka Teko ya Motheo ya gare ga ngwaga:

1. Teko ye e fetšwe ka bonako gore dithuto di tšwele pele ntle le go šitišwa ke se sengwe.
2. Teko ye e swanetše go dirwa le go fetšwa ka matšatši a mabedi fela.
3. Maikaeleo a go lekola barutwana ke go bona gore ba kgona eng ba palelwa ke eng ka Leleme la Gae. Ba swanetše go lekolwa tšatši ka tšatši re sa kgaotše go ruta. Barutiši ba eletšwa gore go ruta ga wa swanelwa go emišwa ge re dira teko ye ya motheo gomme ditemogo ka moka di tla thuša morutiši go tšea diphetho tša maleba.
4. Barutiši ba eletšwa go ela hloko dipolo tša tekolo ye ya motheo, go ba thuša gore ba beakanye le go aba dithutwana tša bona bjang, go ba thuša gore ba beakanye barutwana bjang go ya ka bokgoni bja bona, le go hlama dihlophana tša go bala go ya ka bokgoni bja barutwana.
5. Go theeletša le go bolela go ka logantšhwa ka gare ga dithutwana ka moka tše dingwe gomme e ka se ke ya ikema ge e lekolwa.
6. Mongwalo o tla lekolwa tšatši ka tšatši go tšwa go seo barutwana ba se ngwadilego.
7. Barutiši ba eletšwa gore ba ka kgetha go lekola barutwana ka mabokgoni a Kotara ye 1 goba ya 2 goba tšona ka moka ge ba lekola barutwana ka tekolo ye ya motheo.
8. Barutiši ba eletšwa gore ba ka kgetha mohlala o tee goba ye mebedi ya melekwana, goba ba šomiša melekwana ya bona, go lekola barutwana ka tekolo ye ya motheo. Melekwana ya ka gare ka pukutšhomo ya DBE le yona e ka ba le mohola kudu go thuša morutiši go fa barutwana teko ye ya motheo.
9. Dibukana tša go bala le pukutšhomo ya DBE di ka šomišwa bjalo ka didirišwa tše dingwe go thuša mo maemong a re bego go wona.

Teko ya Motheo (baseline) ya gare ga ngwaga e bopilwe ka tše latelago:

1. Kakaretšo ya mabokgoni Mphato wa R – 3 Kotara ya 1 - 2.
2. Checklists ya morutiši Mphato wa R- 3.
3. Mehlala ya melekwana Mphato wa R – 3.

KAKARETŠO YA MABOKGONI: KOTARA YA 1 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
GO THEELETŠA LE GO BOLELA	<ul style="list-style-type: none"> Theeletša dipotšišo tše bonolo, ditaelo le ditsebišo gomme a araba ka nepagalo. 	<ul style="list-style-type: none"> Bolela ka ga maitemogelo a gagwe: mohlala, o bolela ditaba, o hlaloša ditaba tša boso, le ka ditiragalo tša nako yeo, bj.bj. 	<ul style="list-style-type: none"> Bolela ka ga maitemogelo a gagwe. Mohlala, o anega ditaba tša gagwe 	<ul style="list-style-type: none"> Bolela ka maitemogelo a mong le ditaba ka kakaretšo. Hlagiša maikutlo a gagwe ka setšweletšwa a fe le mabaka.
	<ul style="list-style-type: none"> Anega dikanegelo le go anega dikanegelo tša ba bangwe gape ka mantšu a gagwe 	<ul style="list-style-type: none"> Kwešiša le go šomiša polelo ya maleba. 	<ul style="list-style-type: none"> Anega kanegelo ye e nago le mathomo, bogare le bofelo 	<ul style="list-style-type: none"> Theeletša tatelano ye e raraganego ya ditaelo (bonnyane 4) gomme a araba ka tshwanelo
	<ul style="list-style-type: none"> Rarolla le go feleletša bonyane diripa tše hlano goba go feta tša mantharane (puzzle) 	<ul style="list-style-type: none"> Theeletša dikanegelo ka kgahlego gomme a thala seswantšho go laetša kwešišo. 	<ul style="list-style-type: none"> Theeletša ditaelo tša go ba le bonnyane dikarolo tše pedi gomme a araba ka tshwanelo 	<ul style="list-style-type: none"> Tšeа karolo dikahlaahlong, a šomiša polelo ya maleba.
	<ul style="list-style-type: none"> Laetša le go hlaloša ditshwano le diphapano. 		<ul style="list-style-type: none"> Theeletša kanegelo ka lethabo le go araba dipotšišo tša go amana le yona 	<ul style="list-style-type: none"> Theeletša kgopolokgolo le dintilha ka botlalo dikanegelong gomme a araba dipotšišo tša maemo a godimo, mohlala, onagana go re hlogo ya kanegelo ye ke ya maleba? Lebaka?
DITUMATLHAKA	<ul style="list-style-type: none"> Fapantšha ka go theeletša gare ga tumatlhaka ya go fapano, kudu mo mathomong a leina la gagwe. 	<ul style="list-style-type: none"> Lemoga tswalano gare ga tlhaka le modumo wa ditlhaka tše dingwe tša ditlhaka tša botee. 	<ul style="list-style-type: none"> Lemoga ditswalano gare ga tlhaka le modumo wa ditlhakatee ka moka. Boeletša mantšu a legoro le tee a go ba le tumatlhaka ye mekopana ja, lwa, nwa, hwa, kwe, swa 	<ul style="list-style-type: none"> Lemoga ditumammogo tša modumo wa tlhakapedi mathomong a mantšu (tš-,th-, hl-,ny-,kg-,ph-, sw-.bj-.gw-.tl-.fš- :tsebe,thaba, hlab, nyaka) le mafelelong a mantšu (-ng :thabeng, bjang, sekolong) Lemoga ditumanošipedi tša go swana tše a ithutilego tšona ka tše bjalo ka 'oo','ee','ii' (poo, phoofolo, lee,leeba, tiiša, thwii)

KAKARETŠO YA MABOKGONI: KOTARA YA 1 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
	<ul style="list-style-type: none"> Lemoga modumo wo o sa latelanego le ye mengwe: Ke modumo ofe wo o sa swanelago go ba mo, - b, b, k, b; d, d, d, t 	<ul style="list-style-type: none"> Thoma go bopa mantšu a makopana a šomiša tumathlaka ye e rutilwego, mohlala, a-l-a: ala, t-a-u: tau Ba thoma go šomiša tumathlaka ya go tswakwa go bopa mantšu a go swana le –ts mo go ts-ena, ts—ela, ba šupetša morumokwano 	<ul style="list-style-type: none"> Bopa mantšu a ditlhaka tše 3 le tše 4 a šomiša ditlhakatee le modumo wa ditlhakapedi tše 0 a ithutilego tšona mo kotareng ya 1. 	<ul style="list-style-type: none"> Bopa mantšu a dinoko tše 3, tše 4 le tše 5 ka go šomiša ditumammogo tša modumo wa tlhakapedi le ditumanošipedi tša go swana tše 0 di rutilwego mo kotareng ye.
GO BALA	<ul style="list-style-type: none"> Itirela kanegelo ka 'go bala' diswantšho 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 30 – 40) Diriša diswantšho go naganelo pele seo kanegelo e boleLAGO ka sona. 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 50 – 60) Lekola go bala temana ya mantšu a (50 – 60) 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 70 – 80) Lekola go bala temana ya mantšu a (70 – 80)
	<ul style="list-style-type: none"> Thala diswantšho tše di laetšago kgopolokgolo ya dikanegelo, dikoša, le diretokošana bj.bj. 	<ul style="list-style-type: none"> Araba dipotšišo tša mehuta ye mentši tše di theilwego mo ditšweletšweng tše di badilwego go akaretša mohuta wa dipotšišo tša maemo a godimo go swana le Naa go tla diregang..., Go reng o nagana bjale? Botšiša dipotšišo go tšwa go kanegelo. 	<ul style="list-style-type: none"> Araba dipotšišo tša maemo a godimo tše di nepišitšego setšweletšwa se se badilwego. 	<ul style="list-style-type: none"> Go laetša maikutlo ka seo o se badilego. Araba dipotšišo tša maemo a godimo pele, nakong, le ka morago ga go bala temana ye ba e badilego mmogo, mohlala, "O gopola go re go tla direga eng ka morago? Ke ka lebaka la eng o bolela se?"

KAKARETŠO YA MABOKGONI: KOTARA YA 1 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
GO NGWALA	<ul style="list-style-type: none"> Thala goba penta diswantšho go tšweletša melaetša nakong ya mešongwana ya bokgabo le boithamelo bjalo ka boitemogelo bja gagwe 	<ul style="list-style-type: none"> Ngwala mantšu a šomiša tumatlhaka ya ditlhaka tše o ithutilego. 	<ul style="list-style-type: none"> Ngwala bonnyane mafoko a mararo ka ga ditaba tša mong goba kanegelo ya boithamelo a šomiša tumatlhaka ye a ithutilego le mantšu a tlwaelo, ditlhaka tše kgolo le dikhutlo. 	<ul style="list-style-type: none"> Ngwala bonnyane temana e tee (ya mafoko a seswai), mohlala, ditaba ka ga yena, kanegelo ya senonwane/yeo e sego ya nnete, tlhalošo ya tiragalo /boitekelo
	<ul style="list-style-type: none"> Bopa ditlhaka ka ditsela tša go fapano šomiša mebele ka bottlalo: o šomiša mmele wa gagwe go dira tlhaka ya 'l'. 	<ul style="list-style-type: none"> Ngwalolla le go ngwala leina la gagwe. 		<ul style="list-style-type: none"> Ngwala mantšu a go hlama lefoko, a šomiša ditlhaka tše kgolo, dikhutlo, maswaopotšišo, difegelwana, maswao a tlabege le maswao a ditsebjana
		<ul style="list-style-type: none"> Ngwalolla lefoko le tee la ditaba go tšwa letlapeng/tšhateng ka mokgwa wa maleba Ngwala lefoko le 1 gabotse a šomiša tlhakakgolo le khutlo. 		
MONGWALO	<ul style="list-style-type: none"> Šomiša mehutahuta ya ditlabakelo tša go ngwala: dikhrayone tša makhura, diporaše tša go penta 	<ul style="list-style-type: none"> Hlama ditlhaka tše nnyane tše 7 ka nepagalo 	<ul style="list-style-type: none"> Hlama ditlhaka tše kgolo le tše nnyane tše 26 ka mokgwa wa maleba: tšhupetšo, sebopego le katologano gare ga methaladi. 	<ul style="list-style-type: none"> Hlama ditlhaka tše kgolo le tše nnyane ka moka ka mongwalo wo o kgomaganego goba mothikitho gomme a thome go hlakanya ditlhaka tša go fapano le go hlama mantšu ka mongwalo wo o kgomaganego goba mothikitho wo o kgethilwego

KAKARETŠO YA MABOKGONI: KOTARA YA 1 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
		<ul style="list-style-type: none"> Ngwala mantšu a šomiša tumatlhaka ya ditlhaka yeo a ithutilego 	<ul style="list-style-type: none"> Ngwala le go ngwalolla ka nepagalo mafoko a mabedi goba go feta a go balega. 	<ul style="list-style-type: none"> Ngwala mantšu a makopana ka mongwalo wo o kgomanego goba mothikitho

KAKARETŠO YA MABOKGONI: KOTARA YA 2 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
GO THEELETŠA LE GO BOLELA	<ul style="list-style-type: none"> Theeletša ntle le go tsena ba bangwe ka ganong, ba šielana ka go bolela 	<ul style="list-style-type: none"> Bolela ka ga maitemogelo a gagwe, mohlala, o anega ditaba, a šomiša tatelano ya maleba 	<ul style="list-style-type: none"> Bolela ka ga maitemogelo a gagwe, mohlala, O bolela ditaba ka ntle le go bušeletša. 	<ul style="list-style-type: none"> Bolela ka ga maitemogelo a gagwe, mohlala, go bolela ditaba a ntšha maikutlo le dikakanyo
	<ul style="list-style-type: none"> Anega dikanegelo le go anega gape dikanegelo tša ba bangwe ka mantšu a gagwe. 	<ul style="list-style-type: none"> Theeletša dikanegelo le go laetša kgopolokgolo 	<ul style="list-style-type: none"> Araba dipotšišo tša go ba le karabothwii le tša go nyaka tlhalošo gomme a fa mabaka a dikarabo tše 	<ul style="list-style-type: none"> Sekaseka, bapetša le go fapantšha tshedimošo, mohlala, mekgwa ya ngwana ya go ja le ya kgabo/tšhwenyana
	<ul style="list-style-type: none"> Rarolla le go feleletša mantharane (puzzle) wa diripa tše lesome goba go feta 	<ul style="list-style-type: none"> Theeletša ditaelo (mešomo ya sehlopha le ya ka mehla) gomme a araba ka tshwanelo 	<ul style="list-style-type: none"> Tše karolo dikahlaahlong, a botšiša dipotšišo gore a kwešiše 	<ul style="list-style-type: none"> Theeletša ditaelo tše di raganego (bonnyane tše 5) gomme a araba ka maleba
	<ul style="list-style-type: none"> Laetša le go hlaloša ditshwano le diphapano. 		<ul style="list-style-type: none"> Ntšha maikutlo ka ga kanegelo goba sereto 	

KAKARETŠO YA MABOKGONI: KOTARA YA 2 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
DITUMATHAKA	<ul style="list-style-type: none"> Fapantšha ka go theeletša gare ga tumatlhaka ya go fapanu kudu mathomong a mantšu. 	<ul style="list-style-type: none"> Lemoga tswalano gare ga tlhaka le modumo wa ditlhakatee tše ntši Hlopha mantšu ao a tlwaelegilego ka tumatlhaka ya legoro le tee, mohl. bopa, bona, boga 	<ul style="list-style-type: none"> Lemoga ditumammogo tša tumatlhaka ya go tswakwa ya ditlhaka tše tharo mathomong a mantšu, mohlala, ngwala, ngwana, ngwedi, pšhatla, tlwaela Bopa mantšu a dinoko tše tharo, tše nne le tše tlhano ka go šomiša ditumammogo tša tumatlhaka ya go tswakwa tše di rutilwego mo kotareng ye, mohlala, tlwa-e-tša, tlha-hlo-bo, kgwa-e-tša, tlha-ka-nya, tlho-ko-me-la, tlha-ka-hla-ka-no Lemoga ditumanošipedi tša go swana tše tharo tše diswa, mohlala, maaka, tiša, thwii, thuu 	<ul style="list-style-type: none"> Lemoga gore tumathhaka ye mengwe e ka emelwa ke kgetho ye e fapanego ya mopeleto bjalo ka maihlo > mahlo, maino>meno ai>e baetši>betši ae>e Lemoga modumo wa tlhakapedi ge o dira /w/ le /y/ (mohlala. Leboa>lebowa/leboy a; boa>bowa/boya)
	<ul style="list-style-type: none"> Theeletša lentšu le le fapogilego mo tatelanong, mo mantšu ka moka a thomago ka modumo wa go swana. 	<ul style="list-style-type: none"> Thoma go bopa mantšu a makopana a šomiša tumatlhaka ye e rutilwego, mohlala, a-l-a: ala, t-a-u: tau Ba thoma go šomiša tumatlhaka ya go tswakwa go bopa mantšu a go swana le –ts mo go ts-ena, ts—ela, ba šupetša morumokwano 	<ul style="list-style-type: none"> Bopa mantšu a dinoko tše 3, tše 4 le tše 5 ka go šomiša ditumammogo tša tumatlhaka ya go tswakwa tše di rutilwego mo kotareng ye, 	<ul style="list-style-type: none"> Bopa mantšu a dinoko tše 3, tše 4 le tše 5 ka go šomiša ditumammogo tša tumatlhaka ya go tswakwa tše di rutilwego mo kotareng ye, Lemoga gore mopeleto wa go swana o ka emela tumatlhaka ya go fapanu, mohlala, bona le pona, boroto le moroto

KAKARETŠO YA MABOKGONI: KOTARA YA 2 SEPEDI LELEME LA GAE				
	Mphato wa R	Mphato wa 1	Mphato wa 2	Mphato wa 3
GO BALA	<ul style="list-style-type: none"> Beakanya sehlopha sa diswantšho ka tsela yeo di hlamago kanegelo le go bala kanegelo 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 50 – 60) Bala tumatlhaka ya mantšu mafokong le go ditšweletšwa tše dingwe Šomiša ditlhahli le diswantšho mo go setšweletšwa g kwešša 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 60 – 70) Lekola go bala temana ya mantšu a (60 – 70) 	<ul style="list-style-type: none"> Go lemoga mantšu ao a šomišwago gantši: lekola tsebo ya mantšu (mantšu a 80 – 90) Lekola go bala temana ya mantšu a (80 – 90)
	<ul style="list-style-type: none"> Ahlaahlal le go hlaloša baanegwa ka kanegelong 	<ul style="list-style-type: none"> Araba dipotšišo tša mehuta ye mentši tše di theilwego mo ditšweletšweng tše di badilwego go akareša mohuta wa dipotšišo tša maemo a godimo go swana le Naa go tla diregang...., Go reng o nagana bjale? Botšiša dipotšišo go tšwa go kanegelo. 	<ul style="list-style-type: none"> Araba dipotšišo tša maemo a godimo tše di nepišitšwego go setšweletšwa se se badilwego. E fa lebaka la karabo ya gago. 	<ul style="list-style-type: none"> Šomiša maano a go iphošolla ge a bala: bala gape, khutša, itlwaetša lentšu pele a le balela godimo. Araba dipotšišo tša maemo a godimo tše di nepišitšwego go setšweletšwa se se badilwego. E fa lebaka la karabo ya gago.
GO NGWALI	<ul style="list-style-type: none"> Thala diswantšho go tšweletša molaetša bjalo ka, ditaba tša mong 	<ul style="list-style-type: none"> Hlama lenaneo la mantšu go ya ka ditaelo bjalo ka lenaneo la dijo 	<ul style="list-style-type: none"> Ngwala kanegelo ya gagwe ya bonnyane, temana e tee (bonnyane mafoko a mahlano). A 	<ul style="list-style-type: none"> Ngwala bonnyane ditemana tše pedi (mafoko a 10 goba go feta) ka ga maitemogelo a gagwe, mohlala, ditaba tša ka mehla goba tiragalo ya sekolo

KAKARETŠO YA MABOKGONI: KOTARA YA 2 SEPEDI LELEME LA GAE

	Mphato wa R	Mphato wa 1	Mphato wa 2	Mphato wa 3
			šomiša foreime ye a e filwego	
	<ul style="list-style-type: none"> Šomiša mehutahuta ya ditlabakelo tša go ngwala: dikhrayone tša makhura, diporaše tša go penta 	<ul style="list-style-type: none"> Ngwala mafoko a šomiša mantšu ao a nago le tumatlhaka ya ditlhaka ye e rutilwego 	<ul style="list-style-type: none"> Šomiša lebaka la bjale le lebaka le le fetilego ka nepagalo 	<ul style="list-style-type: none"> Šomiša mabaka a a raranego kudu, mohlala: lebjale le letšweledi, mohlala: ba sa bala puku;.Ba be ba sa ja dijo
		<ul style="list-style-type: none"> Ngwala lefoko le tee ka ga ditaba tša gagwe goba tša go ngwalwa mmogo. 		<ul style="list-style-type: none"> Šomiša maswaodikga ka tshwanelo, mohlala, ditlhaka tše kgolo, dikhutlo, difegelwana, maswaopotšišo, maswao a tlabege le maswao a ditsebjana
MONGWALO	<ul style="list-style-type: none"> Šomiša mehutahuta ya ditlabakelo tša go ngwala: dikhrayone tša makhura, diporaše tša go penta 	<ul style="list-style-type: none"> Hlama bonnyane ditlhaka tše 20 tša mongwalo wa ditlhaka tše nnyane ka mokgwa wa maleba. 	<ul style="list-style-type: none"> Ngwala ka mongwalo wa mogatišo ditlhaka ka moka tše kgolo le tše nnyane ka boitshepo le ka tshwanelo 	<ul style="list-style-type: none"> Šomiša popego ya ditlhaka ya maleba go mešomo ka moka ye e ngwadilwego
	<ul style="list-style-type: none"> Swara dikhrayone ka mokgwa wa tshwanelo a kakatletše ntlha ya phensele ka maleba 	<ul style="list-style-type: none"> Ngwala mantšu ka katologano ya maleba 	<ul style="list-style-type: none"> Ngwala le go ngwallola temana e tee ya methaladi ya gare ga 3-4 go tšwa go setšweletšwa se se gatišitšwego, mohlala, kanegelo, sereto bj.bj. 	<ul style="list-style-type: none"> Ngwalolla mantšu ka tshwanelo go tšwa go methodo k.g.r. boto, meseto, dikarata tša mantšu ka lebelo le le okeditšwego go mongwalo wo o kgomaganego goba mothikitho

TEKO YA MOTHEO(BASELINE) YA GARE GA NGWAGA: MPHATO WA R

SEPEDI LELEME LA GAE: Dinyakwa tša Kotara ya 1

	Go Theeletša le Go Bolela	Ditumatlhaka	Go Bala	Go Ngwala	Mongwalo
Maina: X= ga a na bokgoni ✓ = o kgonne ● = a ka tšwelela	Theeletša dipotsišo tše bonolo, ditaelo le dišebišo gomme a araba ka nepagalo. Laeša le go hlača ditshwano le dihpapano.	Rarolla le go feleletša bonyane diripa (tše hano goba go feta tša mantharane. (jig – saw puzzles) Fapantšha ka go theeletša gare ga tumathhaka ya go fapana, Lemoga leina la gagwe le maina a ba bandwe, bonvane ba bahlano. Lemoga modumo wo o sa latelanego le ye mengwe.	Nyalanišha manišu le manišu ao a lego mo didirišweng le go dillo tše di filwego maina seswantšhond.	Thala diswantšho tše di laešago kgopolokgolo ya dikanegele, dikoša, le diretokošana. Thala seswantšho sa gagwe. Ngwala leina gobta morutiši a ka mo thuša go ngwala leina.	Swara dikhrayone ka mokgwaa wa tshwanelo a kakatiše nthaa ya phensele le sekero ka maleba (emergent writing skills)

TEKO YA MOTHEO(BASELINE) YA GARE GA NGWAGA: MPHATO WA 2

SEPEDI LELEME LA GAE: Dinyakwa tša Kotara ya 2

	Go Theeletsha le Go Bolela	Ditumatlhaka	Go Bala	Go Ngwala	Mongwalo
Maina:	X= ga a na bokgoni ✓= o kgonne • = a ka tšwelela	Araba dipotšišo gomme o fe lebakla karabo ya gago.			
		Lemoga ditumammogo tša tumatlhaka ya go tswakwa ya ditlhaka tše tharo malhomong a mantšu, mohlala, ngwala, ngwana , pšhatla, tlwaela			
		Bopa mantšu a dinoko tše tharo, tše nne le tše tlhano ka go šomiša ditumammogo tša tumatlhaka ya go tswakwa tše di rutlwego mo kotareng ye, mohlala, tlwa-e-tša, tha-hlo-bo, kgwa-e-tša, tlha-ka-nya, tlho-ko-me-la, tlha-ka-hla-ka-no			
		Lemoga ditumanošipedi tša go swana tše tharo tše diswa, mohlala, maaka, tliša, thwii, thuu			
		Bopa mantšu a dinoko tše 3, tše 4 le tše 5 ka go šomiša ditumammogo tša tumatlhaka ya go tswakwa tše di rutlwego mo kotareng ye,			
		Go lemoga mantšu ao a šomišwago gantši: lekola tsebo ya mantšu(mantšu a 60 – 70)			
		Lekola go bala temana ya mantšu a (60 – 70) Šomiša dipuku tša go fapanafapana.			
		Ngwala kanegelo ya gagwe ya bonnyane, temana e tee (bonnyane mafofo a mahlano).			
		Ngwala ka mongwalo wa mogatišo ditlhaka ka moka tše kgolo le tše nyane ka boitshepo le ka tshwanelo			
		Ngwala le go ngwallola temana e tee ya methaladi ya gare ga 3-4 go tšwa go setšweletswa se se gatisitšwego, mohlala, kanegelo, sereto bj.bj.			

TEKO YA MOTHEO(BASELINE) YA GARE GA NGWAGA: MPHATO WA 3


SEPEDI LELEME LA GAE: Dinyakwa tša Kotara ya 1

	Go Theeletša le Go Bolela	Ditumathaka	Go Bala	Go Ngwala	Mongwalo
Maina:	X= ga a na bokgoni ✓ = o kgonne • = a ka tšwelela	Theeletša tatelano ye e raraganego ya ditaelo (bonnyane 4) gomme a araba ka tshwanelo	Lemoga ditumammogo tša modumo wa thakapedi mathomong a mantšu (tš-th-, hl-ny-kg-, ph-sw-, bj-gw-, tl-fš- : tsebe, thaba, hlab, nyaka) le mafelelong a mantšu (-ng: thabeng, bjang, sekolong)	Lemoga ditumanošipedi tša go swana tše a ithutilego tšona ka tše bjalo ka 'oo', 'ee', 'ii' (poo, phoofo, lee, leeba, tiša, thwi)	Bopa mantšu a dinoko tše 3, tše 4 le tše 5 ka go šomiša ditumammogo tša modumo wa thakapedi le ditumanosipedi tša go swana tše di rutuwegmo kotaeng ye.
				Go lemoga mantšu ao a šomišwago gantši: lekola tsebo ya mantšu(mantšu a 70 – 80)	Go lemoga mantšu ao a šomišwago gantši: lekola tsebo ya mantšu(mantšu a 70 – 80)
			Lekola go bala temana ya mantšu a (70 – 80) Šomiša dipuku tša go fapanafapano.	Ngwala bonnyane temana e tee (ya mafoko a seswai), mohlala, ditaba ka ga yena, kanegelo ya senonwanelyeo e sego ya mnene, tlhalošo ya tiragalo /boitekelo	Ngwala mantšu a go hlama lefoko, a šomiša ditlhaka tše kgolo, dikhutlo, maswaopotsišo, difegelwana, maswao a tlhabego le maswao a ditsebjana a
					Hlama ditlhaka tše kgolo le tše nyane ka moka ka mongwalo wo o kgomaganego goba mothikitho gomme a thome go hlakanya ditlhaka tša go fapano le go hlama mantšu ka mongwalo wo o kgethilwego
					Ngwala mafoko a makopana ka mongwalo wo o kgomanego goba mothikitho

TEKO YA MOTHEO(BASELINE) YA GARE GA NGWAGA: MPHATO WA 3					
SEPEDI LELEME LA GAE: Dinyakwa tša Kotara ya 2					
	Go Theelet ša le Go Bolela	Ditumathaka	Go Bala	Go Ngwala	Mongwalo
Maina:					
X= ga a na bokgoni ✓ = o kgonne ● = a ka tšwelela	Theetela tatelano ye e rara ganego ya ditalo (bonnyane 5) gomme a arabka ka tshwanelo	Lemoga gore mopelelo wa go swana o ka emela tumathaka ya go fapania, mohlala, bona le pona , boroto le moroto	Lemoga modumo wa tlhakapedi ge o dira /w/ le /y/ (mohlala. Leboa>lebowa/leboya; boas>bowaboya)	Bopa mantšu a dinoko tše 3, tše 4 le tše 5 ka go šomiša ditumammodo tša modumo wa tlhakapedi le ditumanošipedi tša go swana tše di rutlwego mo kotareng ye.	Go lemoga mantšu ao a šomišwago gantši: lekola tsebo ya mantšu (mantšu a 80 – 90) Šomiša dipuku tša go fapanafapana.
					Ngwala bonnyane ditemana tše pedi (mafoko a 10 goba go fetu) ka ga maitemogelo a gagwe, mohlala, ditaba tša ka mehia ooba tiradalo va sekolo)
					Šomiša mabaka a a raranego kudu, mohlala: lebjale le letšweledi, mohlala: ba sa bala puku;. Ba be ba sa ja dijo
					Šomiša popego ya ditlhaka ya maleba go mešomo ka moka ye e ngwadiiwego
					Ngwaliolla mantšu ka tshwanelo go tšva go metlhopo k.g.r. boto, meseto, dikarata tša mantšu ka lebelo le le okeditšwego go mongwalo wo o kgomaganego goba mothikitho

Mohlala wa Teko

Mphato wa R

TEKO YA GARE GA NGWAGA : MPHATO WA R KOTARA YA 1	
Theeletša dipotšišo tše bonolo, ditaelo le ditsebišo gomme araba ka nepagalo.	Morutiši a ka botšiša ka dipotšišo mabapi le leuba la Corona gomme a hlaloša seo se swanetšwego go dirwa go kgonthišiša polokego ya batho ka moka.
Rarolla le go feleletša bonyane diripa tše hlano goba go feta tša mantharane (puzzle)	Barutwana ba feleletša puzzles ka bo bona.
Laetša le go hlaloša ditshwano le diphapano.	
Lemoga modumo wo o sa latelanego le ye mengwe	Ye ke taelo e bonolo yeo e ka dirwago nako ye nngwe le ye nngwe ge ba ba rutwa: ba dutše mmeteng, nako ya kanegelo, ge ba ngwala,bj.bj. O ka ba botšiša gore: ke modumo ofe wo o sa swanego le ye mengwe? b b b m b
Fapantšha ka go theeletša gare ga tumatlhaka ya go fapano	
Lemoga leina la gagwe le maina a ba bangwe, bonyane ba bahlano.	Šomiša tšhate ya morutiši. Sehlophana sa barutwana ba 6. Lemoga leina la gagwe le maina a ba bangwe, bonyane ba bahlano.
Lemoga modumo wo o sa latelanego/swanego le ye mengwe	apola, apea, apa, epa bona, bina, bela, sepela rata, bona, reta, roka, rola

Lemoga le go šupa dilo tša go swana mo seswantšong



- Bana ba go kitima,
- Morutiši o dutše godimo ga lepai, o botša bana kanegelo,
- Ngwana o dutše godimo ga setulwana sa maotwana, o fošetša mogwera bolo,
- Ngwana o eme ka leoto le tee godimo ga balancing beam gomme ba bangwe ba gogoba ka fase....,
- Bana ba ba bedi godimo ga moswinki wa see saw,
- Bana ba bararo ba fofafafa ka gare ga maotwana,
- Ngwana yo mongwe o kgarametša yo mongwe moswinking wa leotwana ka fase ga mohlare.

Thala diswantšho tše di laetšago kgopolokgolo ya dikanegelo, dikoša, le diretokošana.


Se seka dirwa ka nako ya go thala diswantšho. Efa barutwana taelo yeo ba tla e gopolago.

Thala seswantšho sa gagwe. Ngwala leina goba morutiši a ka mo thuša go ngwala leina.

Ge a fetša go thala seswantšho sa gagwe o se fa leina:
Yo ke nna goba Leina la ka ke ...

Swara dikhrayone ka mokgwa wa tshwanelo a kakatletše ntlha ya phensele le sekero ka maleba (emergent writing skills)

Barutwana ba thala diswantšho ka dikhrayone, ba se sega, ba se kgorametša godimo ga pampiri







Barutiši ba hlohleletšwa go šomiša pukutšhomo ya DBE go hwetša ditekwana le dikgopololo tše dingwe.

Thaloko ya 1:

Bapalang se bjalo ka thaloko ya go thabiša. Efa morutwana dikhrayone tše 5.






Taelo: bea khrayone go seswantšho sa go se swane le tše dingwe. Ye ke tekwana ya go se ngwalwe.



Thaloko ya 2:

Bapalang se bjalo ka thaloko ya go thabiša. Efa morutwana dikhrayone tše 5.

Taelo: bea khrayone go seswantšho sa go se swane le tše dingwe. Ye ke tekwana ya go se ngwalwe.






Mohlala wa Teko Mphato wa1

Tekwana ya Ditumatlhaka

Tšhate ya Medumo:

A	kg	f	g	i
B	e	d	h	l
J	k	p	n	m
Th	s	o	t	u
R	hl	w	ng	y
Š	/ medumo ye 26			

Ageletša tlhaka ya go sepelelana modumo wa mathomo wa mantšu a.



Bolela leina la seswantšho. Ngwala tumanoši yeo e nepagetšego mothalong.


a

e

i

o


u



ngw ____ na

le ____ to

l ____ tšatši



____ pola


ta ____

kom ____ ki

Tlatša medumo ye e tlogetšwego:


<u>_olobe</u>	A simple line drawing of a pig walking to the right.
<u>k_loi</u>	A simple line drawing of a yellow toy car with a face on the front.
<u>ko_iki</u>	A simple line drawing of a white mug with a handle on the right.

Ngwala tlhaka ya mathomo ya seswantšho. O diretšwe mohlala ka ya mathomo.



Thala mothalo o nyalantšhe seswantšho le modumo wa maleba.

M




S



J



L



S



K



K



M



S



Tekwana ya go Bala ya Mphato wa 1

Bala mantšu a:

pitša	wena	dijo	bona	buša	bupi
reka	roka	roma	raka	rema	rola
bona	bina	bela	bula	bopa	befa
nama	roba	kubu	gafa	adima	araba
ba	ka	le	še	hlapi	opela
buti	sesi	mma	lee	tima	sega
tate	seleka	raloka	kitima	lee	koloi
kolobe	sekepe	lebone	bana	puku	pula
kgati	kgato	kgomo	kgama	kgane	kgare
kudu	kua	kutu	naka	naga	naba
tala	tafola	taga	taelo	tema	telele

Bala, ngwala gomme o thale seswantšho:

Bala: Lee le dutše godimo ga legong le legolo.

Ngwalolla :

Thala seswantšho:

Bala mafoko a:

Kgomo e kgolo e re fa nama.

Pula e na kudu kudu.

Mma o apeile bogobe.

Bana ba bina botse.

Koloi e kitima ka lebelo.

Bala mantšu, thala mothalo go nyalantšha lentšu le seswantho sa maleba:



lepidipidi

katara

bolo

kgogo

ntlo


Tekwana ya go ngwala Mphato wa 1

Thala seswantšho go laetša ka mokgwa wo wena le ba lapa la geno le feditšego nako ye ya modulagae (lockdown) le bolokegile. Ngwala mafoko a 2 ka seswantšho sa gago. Šomiša mantšu a o a filwego ka fase:




Dipuku	ke	diatla	dijo	tšhoga	Re e thabiša	seruiwaratwa	hlapiša	re	bapala
--------	----	--------	------	--------	-----------------	--------------	---------	----	--------



Ngwala leina la seswantšho:



Lebelela seswantšho gomme o ngwale lentšu goba lefoko ka fase ga sona.



Feleletša ka mantšu ao a tlogetšwego:



thabiša letšatši bolo mohlaba

1. Samporela se re šireletša go _____.

2. Ke rata go bapala ka _____ ya ka mohlabeng.

3. Ke šomiša pakete le sepete go kgoboketša

4. Go bapala ka go aga dintlo tša mohlaba go
_____ kudu.

Mohlala wa Teko

Mphato wa 2

Tekwana ya ditumathhaka Mphato wa 2


Tšhate ya Medumo:

a	š	f	g	i
B	e	d	h	l
J	k	p	n	m
Kg	s	o	t	u
R	ng	w	th	y
Hl	ei	ee	uu	ii
Oo	kgw	hlw	ts	tš
Mp	nt	kh	mpš	sw

Ngwala lentšu ka ditumammogo tša modumo tlhakapedi tše o di filwego. O ngwaletšwe mohlala.

kg-	kgogo	
tš-	tšea	
th-	thaba	
mp-	mpa	

Ngwala lentšu kgauswi le seswantšho.



**Ageletša lentšu la go se be le morumokwano go lentšu la ka gare ga
le pokisana la pele:**

be	ga	se	ga	be	la	fe	ga	di	re	ga
bon	a	bi	na	go	na	so	na	lo	na	
roma		thoma		šoma		kgoma		rema		
bef	a	lef	ka	fo	fa	ef				
sepela		rapela		topela		bolela		thapelo		

Ageletša lentšu la maleba:

Mma o lemoga gore **leihlo / lehlo** la gagwe le bohloko.

Ba **mmoditše / moditše** gore a ye go robala.

Lehono Lerato o boletše **maaka / maka**.

Barutwana ba opela **dikoša / dikoša**.

Mokgadi o tlide **gatee / gate** fele ka gešo.

Tekwana ya go Bala Mphato wa 2

Bala mantšu a: (*Barutiši ba ka šomiša gape mantšu a bona.*)

Go bala: Tekatlhaologanyo le Polelo

Bala temana ye gomme o arabe dipotšišo tše di latelago.

Max mpša ya Jen

Jen o na le mpša ye ntsho. Leina la mpša ya gagwe ke Max. Max e rata go bapala ka bolo. Jen o foša bolo gomme o

bona	sepela	raloka	meetse	kgomo	kgogo	komiki	mmago	mmele
mmino	phala	phoka	pelo	kgwebo	hlweka	huma	hwetša	hloya
mmane	kgati	kgoro	kgwara	molomo	seolo	senya	senatla	thapelo
seleka	bina	Bitša	mollo	lee	ruta	tšhoga	thabiša	topela
opela	bolela	bohloko	kgoma	thoma	khuta	khula	mpša	mpše
leihlo	lerole	legong	mpa	ejang	nokeng	lepokisi	swaba	tšea
thaba	bolo	katara	monna	mosadi	ngwana	mollo	apea	apolia
apoga	beela	apeela	arola	baoki	bakae	beago	baruti	llela

kgahlega ge a bona Max e buša bolo. Jen o tseba gabotse gore Max ke mpša ya bohlale kudu.

Max e robala mpeteng kgauswi le Jen. Se se tloga se befedisa mmago Jen. Mmago Jen o rata gore Max e robale fase.

Ka letšatši le lengwe Max e ile ya timela. Jen o e nyakile gohle. O sepetše mmileng a eya godimo le fase a nyakana le Max. Jen a goelela, “Max! E tla gae hle.” Jen o hweditše Max! E be e le phakeng. Max e be e thabile go bona Jen.

Ageletsa tlhaka ya maleba go potšiso 1 le 2. KGETHA KARABO YE TEE.

1. Max e rata go bapala ka _____.

- a) patla
- b) lerapo
- c) bolo

2. Naa mmago Jen o rata gore Max e robale kae?

- a) mpeteng wa Jen
- b) ka lapeng
- c) fase

3. Naa o nagana gore ke ka lebaka la eng mmago Jen a befelwa ge Max e robetše kgauswi le Jen?

4. Naa ke eng seo Max e se dirago go laetša gore e bohlale?

5. Naa o nagana gore Jen o be a ikwa bjang ge Max e timetše?

Jen o be a _____

6. Beakanya ditiragalo tše ka tatelano ya maleba 1- 3, bjale ka ge di tšwelela mo kanegelong ye.

- Max e be e le phakeng.
- Jen o foša bolo.
- Max e robala mpeteng.

7. **Thalela** karabo ya maleba go mantšu a **ntshofaditšwego**.

- a) Lentšu la go ba le morumokwano le kgahlega ke **bohlale / sohlega**.
- b) Jen o na le mpša ye ntsho. Lentšu le ntsho le hlaola mpša, ka gona ke **leina/ lehlaodi**.
- c) Jen o na le mpša e ntsho. Mantšu a a thaletšwego ke **maina / madiri**.

8. Ngwalolla lefoko le gomme o šomiše tlhakakgolo le khutlo.

max le jen ba bapala ka bolo

10. Naa leganetsi la thaba ke eng?

Bala, ngwala gomme o thale seswantšho:

Noga e ja khekhe mo mabjanyeng.

Bala mafoko a:

Mosadi o sepela a sobelela a swere setseka.


Ke tla bona gore bana ba tla bina ba ba ba bopa.

Kgomo ya rakgadi e kgakgamola terata ya Mokgadi.

Lešata le hlolwa ke lešabašaba la batho ge ba šila mabele.

Kgetha lefoko leo le hlalošago seswantšho gomme o le ngwale mothalading.

- Basetsana ba bapala mohlabeng lewatleng.
- Bana ba thabišitšwe ke letšatši la dipapadi gomme ba kitima mabelo.



Tekwana ya go ngwala Mphato wa 2

Šomiša mantšu ao o a filwego ka fase go ngwala mafoko a 4 -6 ka sehla sa ngwaga seo o se ratago. Hlaloša sehla seo. Bolela gore ke eng seo o se ratago ka sehla seo, le gore ke dithalokwana dife tše o di dirago nakong yeo ya ngwaga.

Lehlabula	Marega	Seruthwane	Selemo
mahlare serolwana mehlare	tonya pula jeresi	maloba letšatši nontšha	fiša thaba lewatle

dinonyana	lepai	dinonyana	ka ntle
lesufi	disokisi	mehlare	thenese
fodile	kgwele	mašemo	kitima
letšatši	diputsi	borutho	bapala
	meetse	bobotse	dijo
	moya	kitima	magapu
	sopo	sepela	diterebe
	thapa		

O ka šomiša mantšu a:

dipapadi

bapala

mosetsana

mošemane

mabelo


kgwele ya matsogo

moswinki

namela

kgwele ya maoto

Ngwala kanegelo ka se



Mohlala wa Teko Mphato wa 3

Tekwana ya ditumatlhaka Mphato wa 3

Nyalantšha lentšu ka letsogong la nngele le hlalošo ya lona ka letsogong la goja.

bošilo	motho wa go ba le polase.
magabaru	go bona le go tseba se sengwe.
lemoga	go ba setlaela le go se hlalefe.
molemi	go tloša mabjang ao a sa nyakegego.
mmaraka	go nyaka tše ntšhi go feta batho ka moka.

hlagola	lefelo leo go rekišwago gona merogo le dilwanalwana.
---------	--

Kgetha karabo ya maleba.

1. Ke **kgopela/ gopela** mma malekere.
2. Mogwera o a **mbetha/ mpetha**.
3. Ba **binela/ belela** mmino wa King Monada.
4. Koko o a **nthata/ nrata**.

Ageletša mantšu ao a ngwadilwego botse gomme o swaye ao a sa ngwalwago botse ka X.

leihlo	meetse	molo	kgwelwe	mbetha	nrata	thaba	mollo
--------	--------	------	---------	--------	-------	-------	-------

Bopa mantšu ka medumo ye. Thala seswantšho sa lentšu:

kg-		
th-		
ph-		
-ng		
s-		

Kgetha lentšu la maleba ka gare ga mašakana. Ngwalolla lefoko.

Dikgomo (tšona, yona) di a fula.

Selepe (sona, yona) se rema mohlare.

(Sona, tšona) dieta tša koko di timetše.

Bagwera (**bona, yena**) ba a bapala.

O sepetše le baratho ba (**gagwe, yena**).

O bala puku. (**yona, tšona**) ke ye bose.

Tekwana ya go bala Mphato wa 3

Lepidipidi la go Beela Mae a Gauta



Molemi le mosadi wa gagwe ba ile toropong mmarakeng. Ba be ba nyaka go reka lepidipidi leo le ka jago mabjang ka tšhengwaneng ya bona. Ba hwetša lepidipidi le legolo, la go nona gomme ba le iša gae. Ba be ba sa lemoge gore le ke letšatši la bona la mahlatse.

Ge letšatši lehlaba, goseng mosadi wa molemi o ile a tsoga go ya go kgoboketša mae. O ile a hwetša lee le legolo le le sorolwana ka gare ga segola sa lepidipidi. O topile lee la go makatša ka kgakanego a le iša go molemi. “Bona lee la lepidipidi,” a realo a laetša monna wa gagwe. “Le boima kudu ebile ke le le serolwana go fetiša.”

Molemi a tšea lee a maketše. “Lee le le dirilwe ka gauta,” a realo a butše molomo ka makalo.

Lepidipidi le ile la bea lee la gauta letšatši le lengwe le le lengwe. Molemi le mosadi wa gagwe ba ile ba huma le dinala ka go rekiša mae a gauta. Ba ile ba thoma go ba le megabaru kudu kudu.

“A re bue lepidipidi le gomme re tšee mae a gauta ka moka ka nako ye tee,” gwa bolela molemi. Ba rile ge ba bua lepidipidi ba hwetša go se na mae, gauta ga e gona. Lepidipidi le be le swana le mapidipidi a mangwe ka moka ka mo gare. Bjale molemi wa megabaru le mosadi wa gagwe ga ba sa na mae a gauta ebile ga ba sa na lepidipidi la go ja mabjang ka tšhengwaneng ya bona.

Molemi le mosadi wa gagwe ba tšwetše pele go reka mapidipidi, ba re kgane ba tla hwetša la go bea mae a gauta. Mafelelong ba lemoga gore ba paletšwe mahlatse a fedile.

Go bala Tekatlhaologanyo: Bala temana ye gomme o arabe dipotšišo.

1. Naa ke ka lebaka la eng molemi le mosadi wa gagwe ba rekile lepidipidi?

2. Naa molemi le mosadi wa gagwe ba bile ba humi bjang?

Thalela karabo ya maleba.

3. Naa baanegwathwadi ke bo mang mo go kanegelo ye?

- a) molemi
- b) mosadi wa molemi
- c) lepidipidi
- d) molemi le mosadi wa gagwe

4. Naa mosadi wa molemi o kgobekeditše mae neng?

- a) bošego
- b) goseng
- c) mathapama

d) mosegaré

5. Naa ke ka lebaka la eng mae a lepidipidi a ba a ikgethile?

a) a be a le tšhokolete.

b) a be a le gauta.

c) a be a le botse.

d) a be a le silibere.

6. Naa go reng molemi a butše lepidipidi ka bogare?

a) lepidipidi le be le dira lešata.

b) lepidipidi le be le sa ba fe mae a gauta.

c) molemi le mosadi wa gagwe ba ile ba ba le megabaru.

d) mosadi o naganne gore ba ka reka mapidipidi a mangwe.

7. Naa ke thuto efe yeo molemi le mosadi wa gagwe ba ithutilego yona?

8. Bala lefoko le gomme o ngwale lehlalošagotee la lentšu leo le thaletšwego.

Molemi le mosadi wa gagwe ba ile ba ba **barui** ka baka la go rekiša mae.

9. Bala lefoko le gomme o ngwale leganetši la lentšu leo le thaletšwego.

Ba be ba nyaka go reka lepidipidi **le leswa** go ja mabjang ka tšhengwaneng ya bona. _____

10. Ngwala 1 -6 ka mapokisaneng go laetša tatelelano ya ditiragalo bjalo ka ge di diregile mo temaneng ye.


Ba ile ba huma ka go rekiša mae a gauta.	
--	--

Lepidipidi le be le swana le mapidipidi a mangwe ka moka ka mo gare.	
Mosadi wa molemi o ile a hwetša lee le legolo la gauta ka gare ga segola sa lepidipidi.	
Molemi wa megabaru o ile a bua lepidipidi gore a tšee mae a gauta ka moka ka nako ye tee.	
Molemi le mosadi wa gagwe ba ile toropong mmarakeng go reka lepidipidi leo le ka jago mabjang ka tšhengwaneng ya bona.	
Bjale molemi wa megabaru le mosadi wa gagwe ga ba sa na mae a gauta.	

Tekwana ya go ngwala Mphato wa 3

Ngwala mahlaodi oa a hlaolago diswantšho tše di latelago.

mahlatse	nona	serolwana	legolo	huma	makatša	boima



Ngwalolla mafoko a o ngwale maswaodikga a maleba:

1. re rekile borotho mae maswi a go kgahla le lepidipidi mmarakeng


2. o kgopetše morena mašhabela gore a mo etele polokwane

3. ba lwele ntwa ye kgolo le sesi a gwe

4. naa o ithutile eng lehono

5. hlokomela o tla swa gwa realo lerato


Ngwala temana ka seswantšho se:



O ka šomiša mantšu a:

thekisi
mma
sesi
buti
bošego
ntlo
legae

Ngwala kanegelo ka leuba le twatši ya Corona



O ka šomiša mantšu a:

bolwetši

leuba

modulagae

sešira nko le molomo

ethimula

gohlola

go fana sekgoba

moporesidente

Acknowledgements:

- DBE workbooks
- Selected clipart tagged with creative commons license.

